欽 定 全 唐

文

火定全害文 长二十 目錄	遞還張希崎詔	勒選人勤學業詔	遣使賬恤河南道詔	命選官僚詔	賜褚无量馬懷素詔	禁有司仗下獨奏詔	禁刺史進奉詔	元宗九	欽定全唐文卷二十八目錄
-						·			

毎ランチララニン 令孝經參用諸儒解易經兼帖子夏易傳詔 令孝經並行孔鄭帖易停子夏傳詔 答宋璟論修德緩刑詔 一章諸州慮囚詔 集書目詔

欽定全唐文人卷二十八 答蔡字請宣示御製春雪春臺望詩手詔 皇太子加元服慶賜韶 皇太子入學慶賜詔 罷請傷部 給復被災州縣詔 亵姜師度詔 按理枉濫詔 命兩京及諸州簡兵詔 命張說修國史詔 目錄

條制番夷事宜詔禁士女施錢佛寺詔 禁逃亡詔 禁差民馬詔 釋放流徒等罪詔 加恩征行及當番衛士詔 誅康待賓免從坐詔 **貶蕭執珪盧季恂崔憬等詔** 令州縣舉智勇詔

禁門道掩匿詔	令州軍牒本貫放歸兵募丁防詔朝官子弟先與間散官詔	幸東都詔	造使宣慰百姓詔 安置北州諸番詔	分散化度寺無盡藏財物詔
--------	-------------------------	------	-----------------	-------------

	禁殯韓違法詔	增置太廟九室詔	賬懷州詔	<u> </u>	即度	
					70000000000000000000000000000000000000	

善政乃屈法收情憶至於今豈能無怪冬中西幸不可踵 養 とこれましたこと元宗 欽定全唐文卷二十八 李朝隱陝州刺史姜師度至其州界咸有進奉惜其能官 行去年從京向都當亦處分補州刺史程行湛同州 祗承處置有條不合辛苦其中侵擾莫非横干或漁獵 兩京來去乃是尋常緣頓所須皆用官物至於百姓縱暫 以將進獻觸途使役以徇聲名實由紀網未樹教令不 元宗 禁刺史進奉詔 刺 畜

朕於百事考之無如文籍先王要道盡在於斯是欲令經 奏者聽仗下奏 前其有輒進送及餉遺從官弁別有煩擾者必科以法 鱼 明舊式語語令知如緣曹吏司細務及有祕密不合對仗 有司及奏事皆合對仗公言比日已來多仗下獨奏宜申 史明加糾察隨事奏聞 史詳備聽政之暇遊心觀覽 好自厚了一考二十八 賜褚无量馬懷素詔 禁有司仗下獨奏詔 御

稼穑 問應免租庸及賬恤並量事便處分兼察人民冤苦官吏 優軫宜令工部尚書劉知柔馳驛充使往河南道巡歷簡 欽定全唐文人卷二十八元宗 修身貴乎慎始為學在乎自幼朕諸子已各髫丱須聞 朕 禮宜於儒官中選德行耆宿三五人入閣教授 因 時載惕眷兹茂育寧忘鑒寐今歲河南諸州頗多水 自臨御天下介於人上萬邦在念百姓為心慎日以 不稔問間阻饑方屬西巡更深東顧不加存問孰 遣使賑恤河南道詔 命選官僚詔

倍優賞 比每畫至側景夜至分宵期聞政要用忘寢食但能會理 能 明 不責其文貝州張希橋上表詞義鄙淺有同諧弄據其不 善惡還日奏聞宋亳陳許之間遭澇尤甚其應緣賑恤宜 仕優則學所業不廢者當在甄收以示勘獎其能舊經 更業者準初出身例加階 經進階雖著於甲令儒道敦俗宜申於舊章其選人有 遞還張希崎詔 勸選人勤學業詔

孝經者德教所先自頃以來獨宗鄭氏孔氏遺旨今則無 遵理度固合與罪恐後來正直其謂我何故特矜愚不置 次定全去文人卷二十八元宗 聞又子夏易傳近無習者輔嗣注光子亦甚甄明諸家所 前今年所支已減舊數可於此數內更三分減 麽馬略配於諸軍課駒總留於畜牧則應稅之草不假循 於法且令河南府示語遞還本貫 調斂惡繁差科在簡每思量人賤畜之政輕徭薄賦之宜 令孝經參用諸儒解易經兼帖子夏易傳詔 再减收草税詔

朕以全經道喪大義久乖淳感之性浸微流遁之原未息 孝經尚書有古文本孔鄭注其中指趣頗多踳駁精義妙 解者質定奏聞 理若無所歸作業用心復何所適宜令諸儒併訪後進達 傳互有得失獨據一說能無短長其令儒官詳定所長令 傳共為 明經者習讀若將理等亦可兼行其作易者兼帖子夏易 令諸儒質定孝經尚書古文詔 令孝經並行孔鄭帖易停子夏傳詔 部亦詳其可否奏聞

是用旁求廢簡遠及缺文欲使發揮異說同歸善道永惟 たらというという元宗 在於朕躬庶事戒慎天下或恐不稱所望卿為朕耳目焉 議曾無所申而推求小疵其細巴甚聚訟之訛人無則焉 學者冀鄭門之息滅尚今文者指古傳為誣偽豈朝廷並 絕之典頗加獎飾子夏傳逸篇旣廣前令帖易者停 列書府以廣儒術之心乎況孔鄭大宗固多殊趣諸生會 何鄭二家可令仍舊行用王孔所註傳習者希宜存繼 致之用以開百行之端間者諸儒所傳頗乖通義敦 答宋璟論修德緩刑詔 7

滞雖 於 予之責萬方何罪視人如傷一物增怵且夫修政之要恤 刑 誠或未感自孟秋在假雨澤傲足永念農畝用懷宵肝 金安白馬丁里第二十八 朕以匪德嗣膺丕命雖日慎為誠政期以康而天災流 上天降省良有以也深輔朕之不逮 和 特申寬典 之重雖得情勿喜寧僭無濫將恐此輩猶有冤人或傷 而作此厲法惟明慎事藉躬親故爰加案省開其幽 士師不冤時稱閱實而愚者自陷朕甚怒焉故屈常 親慮囚詔 四 在 行

增怵豈刑罰莫省罪獄其紛倘致吁嗟是生災亢故京師 爰自春首頗憾甘澤眷兹近甸將損嘉苗人天謂何夙夜 微致焦萎深用憂勞式資祈請某禱則久常典宜遵即令 欠臣自由之一美二十一元宗 今月之初雖降時兩自此之後頗然甘液如聞側近禾豆 作條件處分 懷天下諸州見繫囚徒宜令所繇長官便慮有司即此類 囚緊親慮原減而郡縣狴牢將何慎恤平分之道載軫於 遣官祈雨詔 諸州慮囚詔 5_

英旣有缺落宜依書目隨次修補朕當披覽無使缺遺 須披閱難可簡尋今麗正殿寫四庫書各於本庫每部 禮 東都道俗有來請傷者東西來去雖則為常每歲來請豈 史子集及天文以時代為先後以品秩為次第其三教珠 為目錄其與四庫目不類者依劉歆七略排為七志其經 金号白唇了一片二 比來書籍缺亡后多錯亂者良由籍厯不明綱維失序或 部侍郎王邱太常少卿李暠分往華嶽河瀆祈求 罷請駕部 集書目 詔 تّ 别

儒道惟百王之政元良乃萬國之貞屬太學舉賢賓庭貢 莫令更相做效 欽定全唐文《卷二十八元宗 賜以承光寵陪位官 士當其謁講故行齒奠所以宏風闡教尚德尊師宜有頒 能無擾宜以禮告示仍於朝堂賜食即發遣并動陸象先 上十匹為等坐主加二等學生賜物三匹待舉者及諸方 行禮及職掌者各遞加一等六品以下五匹為等五品 四 品五品三十匹六品七品二十匹八品九品十五匹緣 皇太子入學慶賜詔 一品宜賜五十四二品三品四十四

加乃元服循於舊章慶因雷府歡泊雲上王公卿士中 皇太子以守器之重有成人之量屬陽和肇歲甲子惟 宋察布以慈惠廣兹頒賜應在會官一品一百<u>四二</u> 貢人各賜五匹 在會例宜以當處物給 品九品二十段諸州都督刺史上佐諸軍及副使 区三品八十区四品六十区六品五十段七品四十 皇太子加元服慶賜詔 디디디

處並多水旱歲儲不給生業靡安言念下人用增憂肝天 朕臨御寰極永思政理黃屋成屈己之勞紫宸多在子之 念常恐微物或失大道未臻私奉睿圖載深寅畏去年諸 下遭損州逋租懸調及勾徵特宜放免 符習式旅不教人戰是調棄之宜差使於兩京及諸州 俎豆之事當聞之矣軍戍之禮我所未暇且五村並用誰 國家偃武教修文德百年於兹矣自運屬清平人忘爭戰 こころない! 元宗 能去兵四方雖安不可忘戰故周禮以軍禁糾邦國以蒐 命而京及諸州簡兵詔

昔史起溉潭之策鄭白鑿涇之利自兹厥後聲塵缺然同 奉公之道知無不為項職大農首開溝洫歲功猶珠物議 州 免所司明為條制別作優異法奏聞 服將以保大定功叶於師貞以宏武備應須集期及有蠲 陳威儀貴賤之等碑夫少長有禮疾徐有節將以伐叛懷 剑 科唯令團伍教練辨其旗物簡其車徒習攻取進退之方 刺史姜師度識洞於微智形未兆匪躬之節所懷必罄 気全厚文、考ニナン 取十萬人務求灼然驍勇不須限以蕃漢皆放番役差 亵姜師度詔

省不憚祁寒將申勸恤之懷特冒風霜之弊今原田 之察舊藏過半續用斯多食乃人天農為政本朕故兹 準 共之其屯田内先有百姓挂籍之地比來召人作主亦量 饒 紛 功 **畎澮連屬縣來榛棘之所過為稅稻之川倉庾有京坻** 欠己自由と一般二十一元宗 三農虚棄所以官為開發冀令遞相教誘功旣成矣思 關輔致珠金之潤本營此地欲利平人緣百姓未閒 如緣其中款足嘉委任仍舊暫停九列之重假以六條 力能管種者準數給付餘地 頃畝割還其官屯熟田如同州有貧下欠地之戶自 且依前官取師度以功特 彌 與 望 巡

金気白月ラーオニー 學於舊史文成微婉詞潤金石諒可以昭振風雅光揚 督府長史持節天兵軍節度大使燕國公張說多識前志 有體辨而不華含陽秋之蘊總墳語之蹟豈能光我司典 肇有書契是與簡冊所以彰乎得失示以勸懲非夫詳 訓 金紫光禄大夫賜帛三百匹 其立言右羽林軍將軍攝御史大夫權檢校并州大都 可兼修國史仍齎史本就并州修撰 命張說修國史詔 答蔡乎請宣示御製春雪春臺望詩手詔

賢懿躅惟刑是恤不可暫忘如聞囚徒或有冤帶久在 禁司按理如有枉濫隨事奏聞 繁情何以堪其外州已有使覆京城内宜令中書門下就 欽定全唐文《卷二十八元宗 勉 庸愚之人自犯缺網至於公憲誠則難容然服念泣辜昔 官君舉必記將以朕之素意須示庶察循諷表章益深祗 聊遇所覽直書其事雖文詞非麗亦不忘於言卿職在史 以聽政之餘因時遊矚觀古人之制度懷先王之甲菲 理枉濫詔 九 幽

我共理者其惟良二千石數中大夫前守嵐州刺史蕭 此尸素黷其貨賄豈有奉條察之委居道化之先額 刺史崔憬等各藉陷資謬居藩牧不率法度情匪在公憑 厭貪以敗類固上行而下效豈澄源以正本有靦面目實 師蒙其福非材則虐流百城黎庶受其害所以漢宣云與 為吏人之表以宣法則以樹風教故得人則河潤九里 通議大夫前守復州刺史盧季恂中散大夫前守銀 王制法度立師長將以為理也夫刺史者受方岳之寄 貶蕭執珪盧季恂崔憬等詔 利

廣人物至多豈乏英賢無聞韜略蓋用與不用知與不知 武有七德所以安人禁暴臣稱三傑所以戰勝攻取蜀乃 發遣赴任仍須於郡國以勵在官 挂宜除名配隸營府即差使所在馳驛領送至彼不得東 西季恂可恩州司馬憬可施州司馬并員外置同正員即 今邊境未清統邊須將頃林胡蹔擾 ここことと 一方之主尚得孔明齊為九合之君斯縣管仲況宇宙至 風憲雖罪無所漏已置刑章而情頗難容宜從遠謫 令州縣舉智勇詔

簪紱猶晦跡於下流或蘊智謀尚沈名於大澤不加精訪 務通其實仍令州縣具以名進所司遣立限期隨表赴集 軍足擬萬人之敵或臨戎却宠堪為一堡之雄各聽自舉 如聞天下有馬之家州縣或因郵遞軍旅即先差遣帖助 多定全唐文 巻二十八 ∵! 吳可以運籌決勝有勇齊貫育可以斬將搴旗或坐鎮行 毛遂緘口豈彰處囊之奇長想古人是思權士其有雖常 何以甄收其兩京中都及天下諸州官人百姓有智合孫 西軍莫振罪縣失律過在無謀曹劌不言寧知登軾之効 禁差民馬詔

定戸及差重色役亦不須以馬克財數 頓減囊時益國富人何縣可致自今已後諸州百姓不問 兼定戶之次緣被此百姓嫌疑多不養畜遂令騎射之士 諸府衛士役重人微既每征行又當番上言念艱辛更無 並不得偏差遣帖助若要須供擬任臨時率戶出錢市買 有陰無蔭若能每家畜馬十匹已上緣帖驛郵遞及征 欽定全唐文《卷二十八元宗 除公乘配手力聽事及復身以外官人輒私抽役使宜令 是過不稍優於何以存濟自今已後征行及當番處衛士 加恩征行及當番衛士詔

者何以居官遂令邦賦不入人偽斯甚政術不理豈過於 家去此就彼孰非州縣使其雜鄉者則亦無改成其逋藪 御史金吾按察使嚴加採察 兹宜令所司商量作一 内典幽微惟宗一相大乗妙理寧啟二門聞化度寺及福 四海清晏百年於兹雖戶口至多而逃亡未息良縣牧宰 任訓道無方不能綏撫令其浮情且寰宇一統天下為 禁逃亡詔 禁士女施錢佛寺詔 招攜捉搦法奏聞

制 欠色を与え、生二十八元宗 為護法稱濟貧弱多肆奸欺事非真正即宜禁斷其藏錢 務其蒐欄不教人戰何以訓兵令寰宇雖寧燧燔時警故 付御史臺京兆河南府勾會知數明為文簿待後處分 先寺三 設備邊之政更深用武之略其劒南磧西開内雕右河東 分置軍旅足成修備有事赴敵可以拉朽摧枯無事養 通燕薊旣接邊隅是防夷狄據山川險要量寇賊多少 國立軍以為武備安人和眾諒在師貞必將簡其車徒 | 陛僧創無盡藏每年正月四日天下士女施錢名 條制番夷事宜詔

或洩其事宜不為聞達或換其文狀乖違本情自今已後 淳熟新降更竹綏懷如聞頗失於宜蕃情不得其所若 使雖則屢提綱領然猶故忽科條豈法有未明將官無所 蕃臣應有表奏並令自差蕃使不須更附漢官雖復化 安全熟戶既是王人章程須依國法比來表奏多附漢官 畏永言此弊增歎於懷又諸道軍城例管夷落舊戶久應 共行割剝何乃相繼離散旣往者理宜招討見在者須 金グクラン 可以拔距投石而將吏非謹甲兵不修加之侵暴仍且役 風終是情因本性刑罰不中心固不安其有犯法應

必 兵 辨 文武並用國之大經團結十萬眾兵別令訓習分割數萬 **区馬皆有供須什物備陳行裝具足候時而動我武惟揚** 得便行決罰具狀奏聞然後科繩咨爾軍僚勉我王 夫涼風至白露下將以執有罪覆昏慝宏厥戎略振 聲清彼四方期此 必須賈勇奮力馬必須弱收秋養器仗必須磨 須贍積取審夷必須以威以思誓將士必須以罰以賞 旗物稱爾戈矛使有勇而知方將料敵而常勝 錢已上兼失負候仍墮教習倉儲或乏器械莫修 、元宗 舉其諸軍官吏颠更私役兵及 礪糧 所 侵

牢情深惻隱宜申緩獄之令以布宥刑之澤其天下見禁 令所司明為年限條例隨便近諸軍分配其能竭力勉樹 攸先捨過錄功帝圖惟永況麥風炎序梅律歌展言念牲 多完全唐文||老二十八 自昔明王恤人為念朕君臨寓縣子育黎庶 令所司作條件處分 囚徒犯流已下徒已上特宜免以常科並遣隨軍展效仍 切納隍之慮萬方有罪再彰泣辜之責故勸農務稽國政 不能安窮寇不能制有 釋放流徒等罪詔 違犯國有嚴誅事或未同仍 物乖宜常

寧寸心之得安莫不念切在予情深責己故先之以德 等敢亂天常俱為禍首驅率羣眾爛聚沙泉使良善失業 寬之以恩乃遣常侍趙元通又命御史大夫韋抗附以 乃潜竄須示其誠朕亭育蒼生皆同赤子每一物之失 者亦聞泉戮元惡旣盡餘黨無多本是脅從初非爾罪 **勲庸其杖巳下即令釋放使務農業** 光渠逞志人祇發怒魁首者並自誅夷鋒刃揮芒陣 池胡久從編附皆是淳柔百姓乃同華夏四乂康待賓 誅康待賓免從坐詔 所

欽定全唐文、卷二十八元 度奉廟謨恭行天討所有殺戮爰及俘囚或因戰敵相交 慰俱不稟承儻滋蔓繁多恐邊毗塗炭非願勤於兵馬蓋 侧懷憂或嫌疑多懼宜開自新之命以於莫大之罪其胡 賊及勾引諸蕃同叛逃在山谷沙藪間疑懼不出者並 欲 須 灼然好惡無辨驚波繇是共弱烈火所以俱焚自孽誰 軍安慶為副依理宣慰量加招輯各令復業務使安存 罪宜令夏州都督陽欽明依前處分安慰仍以左監 申於吊伐朔方軍大總管王晙雕右節度使郭知運等 逃何去已滅亡者其如咎譴未歸附者是可哀憐或反 宗 齿 PF

修理破壞尊像堂殿橋梁有餘入常住不得分與私房從 禮 貧觀寺給仍令御史張樽與禮部侍郎崔據京兆尹孟温 化度寺無盡藏財物田宅六畜並宜散施京城觀寺先用 處置記奏聞諸州長官及按察司所察錢物以委州使進 此共勾當散配處分記申所司 託奏聞若不順從猶持 向背須別處分亦具奏來 取元奏數棟京城大德戒行灼然者共檢校量事均 安置北州諸蕃詔 分散化度寺無盡藏財物詔 融

思宏其在宥之恩振以好生之惠伐彼有罪拾其脅從使 旅擾其邊隅不思亭育之爱坐取滅亡之道官軍鏡及一 欽定全唐文卷二十八万元 則有焉宜令朔方軍大總管兵部尚書王晙宣崇恩命示 俱為臣妾莫不熙我德澤納之仁壽神人以和鳥獸成若 編毗安其耕鑿積有年序而翻然造謀構此紛孽勞我師 河曲之地密邇京畿諸蕃所居舊在於此自服王化列為 反側自安胡者靡獲則壽張之釁爾實自取生成之德我 國家天覆萬方子育庶彙要荒所列並入提封日月所照 而潰雖肇其首謀則有元惡然率以從亂咸為匪人朕

欽定全唐文、卷二十八元宗 征 隙命中書舎人何熙等宜所到之處宣慰百姓令悉朕懷 朕身居九重心在萬姓恐情未達下政或乖方頃者故命 須釐革 以柔服諸軍戰士應須酬錄功熟及却投來吐渾党項左 近臣分道巡撫為屬農月且停使車今秋稼方收時亦將 廂降戶雜替并胡殘部落或善惡未分或久長取穩若 鎮之家各令州縣檢校優賞其中無兼丁存濟者仍加 有水旱之州或須貸給不可遠更奏聞宜便量事處置 遣使宣慰百姓詔 事已上並委王晙敘錄處置記奏聞 夫

如 令存恤應須給貸蠲免量事處置託迴日奏聞 韓 賬 頃年關輔之地轉輸實繁重以河塞之役兵戎屢動 命 者觀俗以賦政考祥以省方必將協於人和而奉若 聞鹽夏兩州百姓及六州 恤 朕祗承鴻業用康黎庶思振德以惠物豈勞人以尊 朝宗皇甫翼齎書分往慰問便復損數其被損之家務 幸東都 慰問鹽夏兩州百姓 詔 胡等被胡賊殺掠宜令御史 詔

次定全唐文·卷二十八元宗 會而胥悅所謂先天以宏道因人以為利也宜以明年正 五嶽之中風雨之所交舟車之所會流通江汴之漕控 有費九載未儲懷此勞勢以增肝是且夫苟利於物可隨 月十五日幸東都 即彼敖庾少留河邑乘歲陽之吉展遊順之儀豈惟龜盆 河洪之運利俗阜財於是乎在今欲省其費務以實關中 不違故亦詢謀是協修五禮問百年車與動而不勞玉帛 而愛通將適於人故因時以巡幸上雜萬方之與維嵩 朝官子弟先與閒散官詔 +-

散官 官或侍郎受財追遊怠墮或恣行決罰妄作奸非刑憲不 今年團日勘責同行火隊的知實死即與破除自今以後 不得所縣牒報本貫無憑破除仍有差科親鄰受弊宜令 如聞諸道兵募丁防年滿應還或征役處分及在路死者 州府長官按實驗察有此色并少年未語時事可移與閒 如聞朝官子弟未曾經歷即坐要司及京畿并州縣理 可福於父兄其能訓導若陷於法良軫於懷宜令本司及 令州軍牒本貫放歸兵募丁防詔

每有兵募丁防放歸令州軍具存亡夾名牒本貫 **憲章如聞道士僧尼多有虚挂名籍或權隸他寺或侍養** 釋道二門施其戒律緇黃法服衆亦崇尚苟有踰濫是無 私門託以為詞避其所管互相掩匿共成姦詐甚非清 色者並宜括還本寺觀 國之設法本以閑邪苔無所施雖立安用朕以寡珠續承 之意也自令已後更不得於州縣權隸侍養師主父母此 禁僧道掩匿詔 誅王鈞詔 ここが

堪然而當發生之時屬陽和之月朕情存惡殺不加殊 程殘剝我黎獻處事不遵乎法理贖貨不知其紀極此 欽定全唐文人卷二十八 可怒孰不可容且輦較之下事猶如此想於遠處人 河南府維陽縣主簿王釣貪殘其性暴虐其心輕侮我章 訟息刑清家習禮讓之教人興廉恥之節此朕之不德 所濟是用寤寐永歎常思罪己冕旒不欲見其臧否鞋 丕業夙夜怵惕恐不克勝馭朽徒知其所危涉川罔知其 不欲聞其是非隱忍含容十載於茲矣不能使令行禁 從杖罪以肅朝端可與朝堂集眾決殺自今已後內 也 而

官有犯賄至解免以上縱使逢思獲免並宜勿齒終身御 史憲司職當推劾不存糾舉多有顏情網紀不施誰任其 飲定全唐文人卷二十八元宗 咎又府縣寮家上下相承犯法公然無聞按詰若或知而 擾其居人王師有征戎事斯大成役之弊邊 毗旣勤雖妖 柴凡廠朝臣宜悉朕意 故縱即是職務不舉各自思審何以當官自今已後所進 朔方之地雍州之域密邇關輔是稱河塞項者胡孽為宠 御史皆須悉職清白泉所推者不得虚相引進僥倖 命張說兼領朔方節度詔 无

罪不在大本乎情罰必在行不在重朕垂範作訓庶動 節兼知朔方軍節度大使餘如故 善行樽俎事立封疆宜以上台之尊遥統中軍之任可持 言則無隱寅亮之美用熙帝載談笑之餘更陳戎備所謂 才傑光備九德宏宣七政爰掌邦理實為國楨謀而必忠 所以詰姦隱總軍命將者所以訓甲兵匪夫大賢孰允兹 任兵部尚書中書門下三品燕國公張說天與明秀自然 唨 底清而政理未治不有經制易云昭蘇且和**衆為武者** 流裝景仙嶺南詔

惡處 朕 協寬政之典宜捨其極法以竄退荒仍決杖一百流嶺南 質家盈黷貨身乃逃亡殊不知天孽可違自愆難追所以 外令宰輕我憲法蠹我風猷不慎畏知之金詎識無貪之 次 定全 唐文 卷二十八元宗 其祖父昔預經綸佐命有功締構斯重緬懷賞延之義 不從本法加以殊刑冀懲貪暴之流以塞侵漁之路然以 若岂嚴刑逞戮使手足無措者哉裴景仙幸藉緒餘 以懷 州去年偏併不熟宜令刺史崔子源察審問貧 販懷 Ē

家握紀命歷重光累盛四方繇其繼明七廟可以觀德朕徒、謂孝所以通於神明大事之謂祭所以度於宗廟國 嗣守丕業祗奉睿圖聿懷昭事問不恤祀嘗覽古典爰詢 治以適會為先故損益之道有殊質文之用甚異且夫至 不支濟者量加賬貸 聞王者乗時以設教因事以制禮沿革以從宜為本取 之無二联以為立愛自親始教人睦立敬自長始教 制遠則殷周事異近則漢晉道殊雖禮文之不一固嚴 增置太廟九室詔

飲定全害文

を二十八元宗 遠而不桃廟以貌存宗由尊立件四時式薦不閒於毀主 創置九室宜令所司擇日啟告移遷 典克崇肅雍之美兹在又兄弟繼及古有明文今中宗神 違而永言孝思情所未足享嘗則止豈愛崇而禮備有禱 今況恩以降殺而疏廟以遷毀而廢雖式瞻古訓禮則不 順是知政以道存禮從時變特因宜以創制豈法古而限 主猶居別處詳求故實當宁不安移就正廟用彰大典仍 百代靡遷匪惟於始廟所謂變以合禮動而得中嚴配之 而祭非德盛而流永其秘室宜列為正室將使親而不盡 手

罪 敗 仍不得聚飲肉食宜令所縣嚴加禁斷更有違者科違勃 富者踰於禮法貧者殫其資產無益於死徒損於生傷 如聞百官及庶人家殯葬煩違古則無復哀威遞相誇尚 金グンリーション 化斯數尤甚自今已後送終之儀一依令式至墳墓所 禁殯葬違法詔 風

欠らというと、大三十七 欽定全唐文卷二十九目錄 元宗十 幸河東推恩詔 遣御史分巡諸道詔 車駕次路州慶賜詔 禁大輔會人填溢詔 令諸州置醫學博士部 令太史修漏刻記 北巡祠后土部 目錄

金をとうう 馬突厥袍帶記 令河西隴右等處防邊部 置勸農使認 禁僧道不守戒律詔 置判南曹官部 賜奚契丹等絹綿詔 令御史分巡河南北部 飭御史刺史縣令詔 令蒲同兩州平難部

約封泰山斷屠詔 答源乾曜等請封禪手詔 答源乾曜等重請封禪手詔 定犯盜人刑法部 禁濫借魚袋詔 報裴淮等請封禪手詔 賜兵士葬祭詔 **卹緣邊兵士詔** 目錄

欽定全唐文 卷二十九 幸孔子宅遣使以太年祭墓部 禁訴冤自刑部 給年滿兵募程糧詔 禁左道詔 巡理滯獄詔 戒州縣祗候御史部 量助長征家口管種詔 順時決獄部 放免十二年以前積欠記

炎定全事文人长二十七 **貶陳州刺史李樂詔** 安存流民詔 遣使宣撫河南北道詔遣使宣慰懷鄭許滑衛等州詔 答寧王憲手詔 令都督刺史更訪擇舉人詔 遣官祭五嶽四瀆風伯雨師部 緩逋賦詔 賬給同郡等州詔 目錄

natification	markstone	Market St.	and the second	والمنبية والمتاسية	THE PERSON NAMED IN		St SURED
						遣使宣撫河北詔	
						冲北部	
 	 	<u>, , , , , , , , , , , , , , , , , , , </u>					••••••••••••••••••••••••••••••••••••••

致定全害文·卷二十九元宗 然靈光可燭朕觀風唐晉望秋山川肅恭明神思致禋敬 將欲為人求福以輔外平合此神符應於嘉德宜以來年 天位也處埋泰折就陰位也將以昭報靈祇克崇嚴配爰 王者承事天地以為主郊享泰尊以通神盖燔柴泰壇定 正月北巡狩行幸至汾陰以二月祠后土所司準式 欽定全唐文卷二十九 元宗十 秦漢稽諸祀典立甘泉於雍時祠后土於汾陰遺廟歸 北巡祠后上詔

賜物四十匹父老巳下各賜物三匹 父老道士僧尼等遠來至此頗亦艱辛宜併令預會刺史 者抑惟故事今停蹕潞州勞以牛酒其外州刺史及迎駕 之不稱政之不修是用命兹使臣委其詳覆徐楚壁等並 不足或徭稅徵逸多不折衷或租調蠲除事涉欺隱皆吏 國之三典令于四方歲終則巡聽其獄訟頃因水旱貨食 巡狩晉陽觀風問俗肆覲羣后存問百年諸侯待於境 車駕次潞州慶賜詔 遣御史分巡諸道詔

遠路僻州醫術全少下人疾苦將何恃賴宜令天下諸州 欽定全唐文《卷二十九元宗 各置職事醫學博士一員階品同于錄事每州寫本草及 庸地稅兼覆囚 念黎庶或榮衞内壅或寒暑外攻因而不救良可數息今 神農當草以療人疾岐伯品藥以輔人命朕銓覽古方永 清白自立茂有政聲必使事合權宜刑無冤濫不損於物 有益於公往敷厥休副兹推擇並可攝監察御史勾當租 集驗方與經史同貯其諸州子錄事各省一員中下 令諸州置醫學博士詔

嘗不日肝忘食未明求衣雖身在九重而情存六合恐至 如有您違委御史彈奏 問高年舉滯脈窮旌善點惡緝其怪典酌于古訓今省方 道猶鬱大化未乎昨因展義河東祈穀雕上肆覲羣后親 近日漏刻失時或早或晚宜令太史謹修盡職勿使更然 州先有 朕君臨宇內子育黎元豈以黃屋為尊實以著生為念何 幸河東推恩詔 令太史修漏刻詔 員者省訖仰州補勲散官充

往還辛苦各免戶內今年差科緣頓所築官牆內今並空 地稅鄭衛維相宜沁慈隰等州佐助夫役雖日不多終是 有給復其汾晉浦絳同華京兆河南供頓戶並宜免今年 本州勘以正倉酬直懷澤兩州已免地稅潞州太原府亦 會取監牧馬充其行過處緣頓及營幕損百姓青苗並令 案行量加賑給諸州府馬闕數稍多旣合官填復須私備 貧兵力致質以為難宜令所司即勘會關數與閑廢使計 告至禋祀云畢思义庶官務崇簡易河南河北去歲水損 人或竊盜吏或侵抑不防害馬何以安人或令御史分道

事君忠無二節至如泛階溥及義取平均豈獨清官偏得 以三十考為定其有名賢宿德及異述殊狀雖不逢泛階 減考自今已後如泛階應入五品以十六考為定入三品 使得自資宜準元勃給其地子朱紫貴品皆豫考勞人臣 職田恐侵百姓先令官收慮其禄博家貧所以别給地子 書門下審覆奏聞量加進賞發都簡試及諸色召募行從 去歲緣有水旱遂令總停如聞甲官頗難支濟量事優恤 人遠將巡省須收才用並令所司即作條例處分內外官 開任本主耕種緣路州縣有表薦官僚及上書獻頌者中 欽定全唐文 卷二十九:

宜開坊門府縣金吾嚴加捉搦 量奏聞方今萬類發生春事方起所司宜敬敷五教敦勘 之刺史古之諸侯會玉汾雅豫陪祀禮宜令中書門下商 或因選改之次年考與節限同者咸以名聞仍為永例今 大酺之會與人同歡或慮遠方觀者來往狼狽其四夜併 之信各委長官量事處分宣示遠近副朕意焉 二農議緩刑獄禁傷胎卵能妨農不急之務減額外不要 禁大酺會人填溢部 筋御史刺史縣令詔

違法御史執憲綱紀是司多惜人情未聞正色内外同此 如 欽定全唐文 卷二十九元 5 翻遭逼迫侵刻之吏務欲加訟州縣有好長官同僚豈敢 公主出降蕃王本擬安養部落請入朝謁深慮勞煩朕知 何致至公宜令刺史縣令嚴加捉搦御史按其有犯彈奏 段與東光公主鏡樂王衙官刺史縣令契丹有八部落 三萬段其中取二萬段先給征行遊奕兵及百姓餘一 聞在外官人罕遵法式孤弱被抑冤不獲申有理之家 抑而未許思加殊惠以慰遠心奚有五部落宜賜物 賜奚契丹等絹綿詔

猾吏恣成姦濫為蠹尤深自今已後兵吏兩司專定員外 作就功宜令御史分往巡行其有貨糧未納者並停到秋 文武選人十月下解旣逼銓注勘簡難周不能自親並 收 河南河北去歲雖熟百姓之間頗聞平苦今農事方起舊 賜物五萬段與燕郡公主松漠王衙官刺史縣令其物 以絹布務令均平給訖奏聞 置判南曹官詔 令御史分巡河南北詔 二元宗 委

嫌疑莫遵本教有一塵累深壞法門宜令州縣官嚴加捉 戒律或公訟私競或飲酒食肉非處行宿出入市廛問避 搦禁止 緇黃二法殊途一致道存仁濟業尚清虚邇聞道僧不守 曹官所司即進名朕自簡擇 責關簡判南曹官親自就覆每包掛作簿書對本司長官 多気全厚文 老二十九 連署印記不得委其胥吏勘責畢各具人數奏聞其判南 兩人判南曹事每年選畢起五月一日所是文狀即預勘 禁僧道不守戒律詔

欽定全唐文人卷二十九元宗 亡滋甚自此成弊於今患之且違親越鄉蓋非獲已暫因 流亡閱大田之衆寡至如百姓逃散良有所縣當天冊 歴 有國者必以人為本固本者必以食為先先王於是務其 未盡歸生穀之疇未均墾以是軫念臨遣使臣恤編戶之 項歲以來雖稍豐稔猶恐地有遺利人多廢業游食之徒 功之時北狄西戎作梗大軍之後必有凶年水旱相仍通 三時前聖所以分其五土勸農之道實在於斯朕無圖 殆 瑜一紀旰食宵衣勤乎兆庶故兢兢翼翼不敢荒寧 置勸農使詔 大

空 規 積 兹弊未革納隍取朽實切於心既深在予之責思宏自新 庸 在閉田勸其開闢逐土任宜收稅勿令州縣差科徵役 之令其先是逋逃並宜自首仍能服勒壟敢肆力耕耘 法 風 盈返本之途莫遂朕虔荷丕構子育萬姓立德非宜而 此艱危遂成流轉或因人而止或庸力自資懷土之思 避旋被兼并既冒刑網復損產業居且常懼歸又無 壤多有不同地既異宜俗亦殊 習固當因利制事不 告蠲放若登時不出或因此更逃習俗或然非以為 阻我誠信是紊我大綱爰及所縣須加嚴限且天下 和 依 所

遠人立法宜令兵部員外郎兼侍御史字文融兼充勸農 使 雖萬方和同不可薄其武備百靈朝貢不可輕其疆場今 「Contain Contain In元宗 懷遠夷納款附國家常事也邊塞嚴甲兵備軍旅本職也 輯勿使勞繁當行賞罰之科各竭忠公之力所到之處宣 至賦役差科於人非便者並量事處分續狀奏聞務令安 示百姓達我勸人之心 巡按人邑安撫戶口所在與官祭及百姓商量處分乃 一月東幸維京西北二邊倍宜嚴警其河西隴右朔方 令河西隴右等處防邊詔

賞罰在兹各宜砥礪 亦未足所以未定日月令其且還如和好不移誠信無改 多気白月文一差ニナカ 何誓如之必能結之神明彌表彼之誠契旣無猜阻任擇 伍遠為負候使風塵預知邀截有所安我邊鄙威加戎 太原幽州平盧諸節度咸宜裹糧坐甲秣馬利兵明教隊 可汗慕義向風盆以嘉尚我國家金帛子女務通和親 有所請必當不違國家信若四時恩同天地一言則定 為婚姻將傳永久契約須重禮數宜周今來人既輕 賜突厥袍帶詔

寄可汗錦袍鈿帶銀盤胡餅至宜領取 之戌役偶語者傷戶口之凋殘且夫懷土重遷人之常性 為國之道莫不欲家給人足令行禁止而族談者苦邊疆 蒲同兩州自春偏旱處至來歲貧下少糧宜令太原倉出 其宜諸所有商量今已親語哥解更欲遣使恐致勞煩令 くこというとくだっし元宗 五萬担米付蒲州永豐倉出十五萬担米付同州減時 -錢糶與百姓 **卹緣邊兵士詔** 令補同兩州平糶詔

撫稱朕意焉 即與軍司選擇給糧放還行人之家委州縣優如所到宣 離邦去里孰無其情或委非其材或政非其要致令父不 多気白月ンノ光ニーナ 保子兄不寧弟并邑有流離之怨道路有吁嗟之聲靜言 事戎旃餓寒而衣食不充疾病而醫藥不拯邊烽忽警將 即宜當處商量隨事釐革其緣邊兵士等或遠辭鄉壞久 此凉風故發使車以巡郡縣其承前處置不便不利於人 思之良可嘆息是以晝分不食夜不安寢庶息彼弊政就 何以堪宜令使人各親勞苦其有年齒衰暮或抱病羸弱

宿心未暇 宗社至於休徵符瑞皆先帝遺愛朕何賴焉豈可以禮百 欽定全唐文一卷二十九元宗 神覲羣后備岱亭之禮展封祀之儀者哉雖誠請是違而 以眇身託王公之上夙夜祗懼恐不克勝幸賴羣公以保 **夫登封之禮告禪之儀蓋聖人之能事明王之盛紫也朕** 夫理定然後制禮功成然後作樂朕承奉宗廟恐不克勝 未能使四海义安此理未定也未能使百靈效職此功未 答源乾曜等重請封禪手詔 答源乾曜等請封禪手詔

庶再省誠懇惻怵良深 成也焉可以揚景化告成功雖欲答於神祇終候安於兆 自中朝有故國步艱難天祚我唐大命集於聖真皇帝朕 士之任職也無躬內省朕何有焉難違兆庶之情未議封 以擬洪烈於先帝報成功於上元至若堯舜禹湯之茂躅 軒后周文之懿範非朕之能逮也其有日月之瑞風雲之 承奉丕業十有餘年德未加於百姓化未覃於四海將何 祥則宗廟社稷之餘慶也天平地成人和歲稔則羣公卿 報裴淮等請封禪手詔

昔戡多難稟略先朝虔奉慈旨嗣膺丕業是用創九廟以 登介邱懷百神震六合紹殷周之統接處夏之風中宗宏 欽定全唐文、卷二十九元宗 懿鑠之休睿宗穆粹清之道巍巍蕩蕩無得而稱者也朕 道隱王綱弛而舊章缺千載寂寥封崇莫嗣物極而復天 自古受命而王者曷當不封泰山禪梁父答厚德告成功 崇之禮 三代之前率縣斯義自魏晉已降迄至周隋帝典闕而大 允行封禪詔

獸神禽甘露醴泉窮祥極瑞者朝夕於林藥王公卿士罄 祖廟之介福敢以眇身而顓其讓是以敬承羣議宏此大 同心斯皆烈祖聖考垂裕餘慶故朕得荷皇天之景祐賴 廼誠於中鴻生 碩儒獻其書於外莫不以神祇 合契億兆 風淡泊靈夷戎狄殊方異類重譯而至者日月於關庭奇 今百穀有年五材無貴刑罰不用禮義與行和氣氤氲淳 申孝敬禮二郊以展嚴種寶菽粟於水火捐珠玉於山谷 巡狩大典封禪鴻名顧惟寡薄未遑時邁十四載於兹矣 兢兢業業非敢追美前王日慎一日實以奉邁遺訓至於

次定全書文·卷二十九元宗 遐邇 感載深可以開元十三年十一月十日式遵故實有事泰 猷以光我高祖之丕圖以紹我太宗之鴻業永言陟配祗 自古明王仁及萬物今助天孳育方將告成其緣祀祭及 節約以稱朕意所緣封禪儀注兵馬陪集並皆條奏布 山所司與公卿諸儒詳擇典禮預為備具勿廣勞人務存 **斯屠及漁獵採捕駕迴至京都依常式** 在路供頓犧姓蘇牢禮不可關除此之外天下諸州並令 將封泰山斷屠詔 王

量借色及魚袋仍俱狀奏 磧 自今以後諸軍節度大使灼然有知功勞須權行給賞任 朱紫貴服所以分别班品自非有德有功不可輕為賞借 抵罪人合杖勒杖者並宜從寬決杖六十一房家口移隸 大德日生至重日命緬觀前典惟刑是恤比來犯盜先決 西其嶺南人移隸安南江淮南人移隸廣府動南 百雖非死刑大半殞斃言念于此良用惻然自今已後 **ピリニア**ラニ 定犯盜人刑法詔 禁濫借魚袋詔

遠標識 朕意 陽 欽定全唐文 卷二十九元宗 歸陰兩猶哭言念於此良用惻然亦委朔方隴右河西節 度使聚斂骸骨就高燥處同葬祭以酒脯高大築墳使久 送本貫委州縣府助其埋殯河由隴外往歲戰場殂殁無 來諸軍兵士殞殁骸骨不歸墳壠者宜令軍使為造棺遞 和布氣庶物萌芽仁者用心無遺枯朽自開元元年以 姚舊州其磧西姚舊安南人各依常式布告遐邇使知 賜兵士葬祭詔 土

按免十二年以前積欠記 管種使有秋望 乗塞守邊義不可輟遠征久戍人亦告勞朕身處九重心 軸之用不少優恤何以為安方春發生須急農事其諸軍 在四遠因時遇物無日不思亭障有行役之勤室家無 長征人家單貧乏無力者宜令本管州縣勸率其家助其 頗多言念貧人將何以濟今獻春布澤務叶時和自開元 元率地稅以置義倉本防儉年賬給百姓頻年不稔逋 量助長征家口營種詔 租

害耳目自今以後犯者先決四十然後依法 次定全事文人卷二十九元宗 身體髮膚受之父母不合毀傷比來有訴競之人即自 相 以後宜申明格動不得更爾違者州縣科罪御史貶降 御史出使舉正不法身苟不正焉能正人如聞州縣祗迎 望道路牧宰祗候僮僕不若作此威福其正人何自今 一年閏十二月以前所有未納懸欠地稅宜放免 幸孔子宅遣使以太牢祭基詔 禁訴冤自刑詔 戒州縣祗假御史詔 圭 刑

遺烈慨然永懷式遵祀典用申誠敬宜令禮部尚書蘇 勿滞禁: 孟夏麥秋尚決小罪況天時漸熱深愍繫囚宜令中書門 以太牢致祭仍令州縣以時祀享復近墓五戶長供掃除 目朕增封岱岳迴靈泗濱思闕里之風想等壇之詠過矣 孔宣父誕聖自天垂範百代作王者之師表開生人之耳 下巡城内囚徒量事處置畿甸徒囚赤縣縣令疏理斷決 巡理滯獄詔 禁左道詔

决處分 遂 如聞道俗之間妄有占筮誑惑士庶假說災祥兼託符 時屬正陽事殷蠶穑愍彼图圖或多冤濫宜宏慎恤之恩 所司申明格勒嚴加訪察 朕為人父母撫有海内以百姓為心恐一 俾助生育之德其所有囚徒除死囚已外所司長官即疏 行左道先令禁斷不合更然仍慮愚下未能悛改宜令 給年滿兵募程糧詔 順時決獄詔 夫失所至於兵

盡者量以逃死兵衣給三兩軍使得支濟如病患者遞 驢乗令及伴侣 聞當差御史分道簡察若涉欺隱委御史彈奏其有衣資 五嶽視三公之位四瀆當諸侯之秋載於祀典亦為國章 落略盡既不能致便流浪不歸丁壯減耗實縣於此自今 已後諸鎮兵募每準額至交替時所司預簡勘兩月前奏 聞比來兵募年滿者皆食不充腹衣不蔽形歇幕什物散 募尤令存卸去給行賜還給程糧以此優於不合辛苦 欽定全唐文卷二十九万六 遣官祭五嶽四濱風伯兩師 詔 齿 如

有常祀今更陳祈宜令光禄卿孟温祭風伯左庶子吳苑 者莫先乎兩動萬物者莫先乎風眷彼靈神是稱師伯 敬忠祭中嶽御史中丞兼戸部侍郎宇文融祭西嶽及西 冀通能潤之感宜令工部尚書盧從愿祭東嶽河南尹張 事張晤祭江瀆河南少尹李暈祭北海及濟瀆且潤萬 海河瀆太常少卿張九齡祭南嶽及南海黃門侍郎李暠 万屬農功頗增旱膜虔誠徒積神道未乎用申靡愛之勤 雨師各就壇遺務加崇敬但羞蘋藻不假性牢應綠奠 北嶽右庶子何驚祭東海宗正少卿鄭縣祭淮濱少詹 九元宗

内侍省事黎敬仁速往宣慰如有遭損之處應須營助脈 給並委使與州縣相知量事處置及所在堤堰不穩便者 水源不時懷鄭許滑衛等州皆遭泛溢苗稼源漬屋宇傾 朕撫有天下寅畏上元思保太和用康庶類頃秋夏之際 祭尤宜精潔 欽定全唐文·卷二十九: 有切納隍之憂良深在予之責宜令右監門衛將軍知 其利害奏聞 遣使宣撫河南北道詔 遣使宜慰懷鄭許滑衛等州 詔 宝

違 欽定全唐文 卷二十九元宗 河 事助其修葺其有官吏縱捨賑給不均亦須糾正回 貸若屋宇損壞牛畜俱盡及征人之家不能自存立者量 當安人之任有利簡之能眷彼使乎宜膺其選可往河 聞 更遣信臣中丞兼戸部侍郎宇文融忠文竭誠夙夜匪 輯朕視之如子若納諸隍于再于三情猶馭朽審求人 項秋夏之間水潦方降間閣損壞稼穑漂淪當恐一 況乃數州之弊故發中使巡于外臺章奏屢聞州鄉稍 北道遭水諸州宣撫仍審察有不支濟者宜更量加 日奏

易親加策問不稱所薦其數則多乃聞膏粱之人遞相 審更訪擇具以名薦 致邱園之俊罕見廢升豈朕勞求之意也宜令都督刺史 朕夢想賢才咨謀列嶽遂因封祀發詔搜揚昨所臨御 以茂親典司宗社禮經之文旣備鍾律之度已和成而不 居謙以自牧固辭兼領情所重違宜遂雅懷俾停劇務 開府儀同三司兼太常卿寧王憲秉德夷遠體道淳深項 答寧王憲手詔 令都督刺史更訪擇舉人詔 欽定全唐文《卷二十九元宗 長任 近 有以安存宜令本道勸農事與州縣檢賣其所去及所 時屬發生特申寬典宜免死貶為欽州道化縣尉員外置 陳州刺史李樂詐盗受贓其數甚廣法司斷死國有常刑 數聞奏 聞河南宋沛等州百姓多有公流逐熟去者須知所詣 **賬給同鄉等州詔** 貶陳州刺史李樂詔 安存流民詔 1 至]

寬惠不免艱辛其貸糧麥種穀子迴轉變造諸色欠頁等 茂好既即收穫不慮少糧然以產業初營儲積未贈若非 並放候豐年以漸徵納蠶麥事畢及至秋收後並委刺史 言念于兹無忘鑒寐爰自春夏兩澤以時兼聞夏苗非常 河南河北諸州去年綠遭水澇雖與加縣貸而恐未小康 宜令侍御史劉彦回乘傅宣慰其有百姓屋宇田苗被漂 損者量加賬給 同 州鄉州近屬霖兩稍多水源為害念彼黎人 緩逋賦 記 **八載懷憂惕**

欽定全唐文八卷二十九元宗 勞肝是在予之責用勢于懷宜令所司量支東都租米二 縣令專勾當各令貯積勿使妄有費用明加曉諭知朕意 逐穩便處置務從簡易勿致勞擾 損應須優恤及合折免并存問舎 河北州縣水災尤甚言念蒸人何以自給朕當宁興想有 馬 ·萬担賬給仍令魏州刺史宇文融充宣撫使便巡撫 遣使宣撫河北詔 事已上與州縣相